



Le scomenciamënt dl' aisciüda i porta bun a La Val, che arjunj i trëi punç te cíasa cuntra la squadra jona dl Valdaora. Da alzè fora sciöch prüm é le titul dla miù defenjiun dl campionat cina sëgn.

Le Valdaora, posizionada toch dô La Val de tlassfica mëss i la zede a La Val, che arjunj la devënta y lascia udëi indo na buna prestaziun. Na devënta dezisiva por l'andamënt dl campionat d aisciüda. Sciöche bel dit danfora, pò La Val mostrè sò la miù defenjiun de düt le campionat cina sëgn, cun ma ot goi ciafà. N bel titul che ti fej onur ala squadra.

A chirì le vantaje é bel Alex E. al nono menüt de jüch, sön na pasaja filtranta de Stefan prôl la trata al sècia de cíamp cuntra porta, che vëgn trasformada te n eurogol: por n pulan ne rōia nia le portier a desfantè le palè, che rōia sèch tl incrujiada de porta. Atira dô é l' arbiter protagonist dla prōma dezijiun eclatanta: le atacant Dorigo vëgn metü a tera püch do la linea de area, l' arbiter ne archita indere nia le jüch, le atacant se lascia sò sënza derzè fora valch. Le Valdaora se alza deperpo y davagna valch trata dal ciantun, daulach i atacancé alc rōia scialdi por prüms a rebat le palè cuntra porta. Atres döes ocajiun d'or ala mez dl pröm tēmp ti gareta a Emanuel, naota sön n palê alt dal mezcíamp, daulach le control dl palè n'è indere nia perfet y la trata ne gareta nia, sciöche secunda, tres sön pasaje filtrant prôl la trata basa che ti rōia tles mans al verdaporta. Dan le sciür dla prūma pert, la secunda dezijiun eclatanta dl mandl fosch, le medemo atacant vëgn metü a tera da bëgn dui sógadus aversars, nianca sëgn toma por l mandl fosch la dezijiun sön l'önesc metri. I ladins dessenà por la dezijiun respogn atira cun na combinaziun perfeta danter le tridënt ofensif, por ultim i rüva le palè a Michi che mëss se destrà por l'abiné, la trata de dërt vëgn desfantada dal portier puster.

Le pröm tēmp se rōia sōn le resultat de 1 a 0 por la squadra da La Val

Le sceter dl bel jūch i passa tl secundo tēmp al Valdaora, la squadra jona tēgn le pal bas y partēsc fora de bugn pai ales pērts. Plō de n iad se archita le palè al limit, daulach te n gran cajan saltel inçe fora val trata, por fortuna nia prigoroses. A respogn é spo i sógadus de cíasa cun n'aziun ejemplara, le palè i rōia sōn la fascia a Michi, che se fej inant cuntra porta y mēt le palè amez, chilò é le sogadù a mezcíamp Stefan che rōia sōn le palè y apogëia le palè te porta. La squadra pò insciö lascè do n pić pēis y tignì la posiziun. Insciö lascia do la presciun y le Valdaora se fej lerch. Al mumēt dērt vëgn le palè impò antizipé y la segurté dl verdaporta Sepl ne fej nia passè plō cotan la cogura. Tl'ultima pert dla partida é le bel jūch daldöt assënt, i pai vëgn scialdi ma plō splundrè tl'aria, n pū por le nervosism, n pū por l'assënza de luzidité da pert di sógadus. L'arbiter fej tosc ruvé la partida y i sógadùs de cíasa pò trà le scrai de vitoria. La secunda devēta de chēsta aisciüda fej restè La Val a un en punt toch do le Gais, che à inçe arjunt la devēta cuntra le Aicha.

La Val - Valdaora : 2 - 0

Formaziun La Val: 1. Sepl Kantioler, 2. Luca Pescollderungg, 3. Egon Frenes (dal 85[^] Andreas Miribung), 4. Paolo Vallazza, 5. Marco Castlunger, 6. Freddy Sottara, 7. Michi Frenes

(dal 75^a Alexander Miribung)

, 8. Max Nagler (dal 70^a Felix Nagler) , 9. Alex Elzenbaumer (dal 75^a Adrian Miribung), 10.

Stefan Sottara - capitan

, 11. Emanuel Dorigo

Goi por La Val: Alex Elzenbaumer (al 9^a), Stefan Sottara (al 54^a)

Proscima partida: en domënia ai 29 de merz dales 15.00 a Vahrn cuntra le Neustift

Resultac dles atres partidas: [RESULTA C](#)

Insëra, mercuri ai 23 de aurì él gnü sughé l'andata dla semifinala de Copa Provinzia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devënta por 2 a 0. Ai 7 de mà gnaral sughé le ritorno sön le ciamp dl Ritten.